


1914

## ER VOTAJ É GREGAM



1. Tostat e hra en éleksion. (*bis*)  
Tosteit, Eutru l'Estourbeillon.  
Kleùet ta !

### DISKAN

*Eit ma vou dihuennet mat er liberté,  
En Eutru l'Estourbeillon vou député :  
Getou é ma drapeau er grechénion ; } bis  
Damb ol enta ha votamb aveit-on.*

2. Marchais duhont en des kavet  
Sekour get er framasoned.

Kleùet ta !

3. Més er ré zou guir Vretoned  
Ne garant ket framasoned.

Kleùet ta !

4. Ne garamb ket er framason  
E za de grignat er hanton.

Kleùet ta !

5. D'en dé votaj argand e roul  
Hag ou minour e fech é doul.

Kleùet ta !

6. Ean fech é doul én ur gredein  
É omb tud e hellér prenein.  
Kleüet ta !
7. Er Vretoned e zou fiér,  
Ne huerhant ket jamés ou brér.  
Kleüet ta !
8. Ha mar kavant Judaz erbet,  
Édan en treid é ma laket.  
Kleüet ta !
9. Ne garamb ket tud ar vransel  
É troein ataù get en aùél.  
Kleüet ta !
10. Get en aùél, get en argand  
E zou deit a ialh er peizand.  
Kleüet ta !
11. Get hous argand, ni e ivou,  
Hag énep d'oh ni e voéhiou.  
Kleüet ta !
12. Boéhiein e hreemb èl krechénion  
Eit en Eutru l'Estourbeillon.  
Kleüet ta !
13. De galz a dud e hanaùamb  
Groeit en dès vad, ol er gouiamb.  
Kleüet ta !

- 14.** Aveit dihuen er beizanted  
Hañni èl d'ou ne vou kavet.  
Kleùet ta !
- 15.** Ne vou ket kavet guèl eit on  
Aveit sekour mechérizion.  
Kleùet ta !
- 16.** Peizand, soudard ha mechérou,  
Damb de houlen getou sekour.  
Kleùet ta !
- 17.** Sekour eùé eit en ol dreu  
E zihuennamb èl hun tadeu.  
Kleùet ta !
- 18.** Ne vennamb ket ma vou cherret  
Iliz, chapél na skol erbet.  
Kleùet ta !
- 19.** Ne vennamb ket ma vou ou zreu  
Laeret doh er ré ou bieu.  
Kleùet ta !
- 20.** Ni zou aveit er relijion  
Èl un tud kouh ér vro breton.  
Kleùet ta !
- 21.** Én hun skolieu, vennein e hramb  
Ma chomou er vistr e choéjamb.  
Kleùet ta !

**22.** Chetu perak ne voèheemb ket  
Aveit un dén, ineañ guèrhet.  
Kleùet ta !

**23.** Ha ne reemb ket hun boéhieu  
D'un dén e greskou en tauseu.  
Kleùet ta !

**24.** Rè hoasket é er hêh peizand  
Get penneu bras er goarnemant.  
Kleùet ta !

**25.** Mal é ma vihañnou enta  
En tauseu rè bonèr déjà.  
Kleùet ta !

**26.** Chetu perak én ur voèhiein  
Kleùet e veemb é soñnein :  
Kleùet ta !

*Eit ma vou dihuennet mat er liberté,  
En Eulru l'Estourbeillon vou député :  
Getou é ma drapeau er grechénion ; } bis  
Damb ol enta ha votamb aveiton. }*